



Deddf Cwricwlwm ac Asesu (Cymru) 2021

2021 dsc 4

RHAN 1

CYSYNIADAU SYLFAENOL A DOGFENNAU ALLWEDDOL

1 Cyflwyniad

- (1) Mae'r Rhan hon yn nodi cysyniadau sylfaenol sy'n cael effaith mewn perthynas â chwricwlwm ar gyfer unrhyw un o'r canlynol—
 - (a) disgyblion cofrestredig mewn ysgolion a gynhelir (ac eithrio'r rheini dros yr oedran ysgol gorfodol) ac mewn ysgolion meithrin a gynhelir;
 - (b) plant y darperir addysg feithrin a gyllidir ond nas cynhelir ar eu cyfer;
 - (c) plant y darperir addysg ar eu cyfer o dan drefniadau a wneir gan awdurdod lleol yng Nghymru o dan adran 19A o [Ddeddf Addysg 1996 \(p. 56\)](#).
- (2) Mae'r Rhan hon hefyd yn cynnwys darpariaeth ynghylch dogfennau allweddol sy'n cefnogi cwricwlwm o'r math hwnnw.
- (3) Yn y Rhan hon, mae cyfeiriadau at gwricwlwm yn gyfeiriadau at gwricwlwm o'r math hwnnw; ac mae cyfeiriadau at ddisgyblion a phlant yn gyfeiriadau at y disgyblion a'r plant y cyfeirir atynt yn is-adran (1).

Gwybodaeth Cychwyn

- I1** A. 1 ddim mewn grym ar y Cysdyniad Brenhinol, gweler [a. 84\(2\)](#)
I2 A. 1 mewn grym ar 29.9.2021 gan [O.S. 2021/1069](#), [ergl. 2](#)

2 Y pedwar diben

- (1) Pedwar diben cwricwlwm yw—

Statws Golwg cyfnod mewn amser fel yr oedd ar 23/11/2021.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Cwricwlwm ac Asesu (Cymru) 2021, RHAN 1. (See end of Document for details)

Galluogi disgyblion a phlant i ddatblygu yn ddysgwyr galluog ac uchelgeisiol, sy'n barod i ddysgu drwy gydol eu hoes;

Galluogi disgyblion a phlant i ddatblygu yn gyfranwyr mentrus a chreadigol, sy'n barod i chwarae rhan lawn mewn bywyd a gwaith;

Galluogi disgyblion a phlant i ddatblygu yn ddinasyddion egwyddorol a gwybodus i Gymru a'r byd;

Galluogi disgyblion a phlant i ddatblygu yn unigolion iach a hyderus, sy'n barod i fyw bywydau boddhaus fel aelodau gwerthfawr o'r gymdeithas.

(2) Mae cyfeiriadau yn y Ddeddf hon at y pedwar diben yn gyfeiriadau at y dibenion hynny.

Gwybodaeth Cychwyn

I3 A. 2 ddim mewn grym ar y Cydsyniad Brenhinol, gweler **a. 84(2)**

I4 A. 2 mewn grym ar 29.9.2021 gan O.S. 2021/1069, **ergl. 2**

3 Y meysydd dysgu a phrofiad

(1) Y meysydd dysgu a phrofiad ar gyfer cwricwlwm yw—

Y Celfyddydau Mynegiannol

Y Dyniaethau

Gwyddoniaeth a Thechnoleg

Iechyd a Lles

Ieithoedd, Llythrennedd a Chyfathrebu

Mathemateg a Rhifedd.

(2) O fewn y meysydd dysgu a phrofiad, mae'r canlynol yn elfennau mandadol—

Addysg Cydberthynas a Rhywioldeb

Crefydd, Gwerthoedd a Moeseg

Cymraeg

Saesneg.

(3) Ond nid yw Saesneg i'w thrin fel elfen fandadol, at ddibenion y Ddeddf hon, ar gyfer cwricwlwm o fewn is-adran (4).

(4) Mae cwricwlwm o fewn yr is-adran hon os yw'n—

(a) cwricwlwm i ddisgyblion cofrestredig mewn ysgol nad ydynt wedi cwblhau'r flwyddyn ysgol y mae'r rhan fwyaf o'r disgyblion yn eu dosbarth yn cyrraedd 7 oed ynddi;

(b) cwricwlwm ar gyfer addysg feithrin a gyllidir ond nas cynhelir;

(c) cwricwlwm ar gyfer addysg a ddarperir o dan adran 19A o **Ddeddf Addysg 1996 (p. 56)** (darpariaeth eithriadol o addysg mewn unedau cyfeirio disgyblion neu mewn mannau eraill: Cymru) i ddisgyblion neu blant nad ydynt wedi cyrraedd 7 oed.

(5) Mae cyfeiriadau yn y Ddeddf hon at y meysydd dysgu a phrofiad yn gyfeiriadau at y meysydd a restrir yn is-adran (1).

(6) Mae cyfeiriadau yn y Ddeddf hon at yr elfennau mandadol i'w dehongli yn unol â'r adran hon.

Statws Golwg cyfnod mewn amser fel yr oedd ar 23/11/2021.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Cwricwlwm ac Asesu (Cymru) 2021, RHAN 1. (See end of Document for details)

Gwybodaeth Cychwyn

- I5** A. 3 ddim mewn grym ar y Cydsyniad Brenhinol, gweler **a. 84(2)**
I6 A. 3 mewn grym ar 29.9.2021 gan **O.S. 2021/1069, ergl. 2**

4 Y sgiliau trawsgwricwlaidd mandadol

- (1) Y sgiliau trawsgwricwlaidd mandadol ar gyfer cwricwlwm yw—
Cymhwysedd Digidol
Llythrennedd
Rhifedd.
- (2) Mae cyfeiriadau yn y Ddeddf hon at y sgiliau trawsgwricwlaidd mandadol yn gyfeiriadau at y sgiliau a restrir yn is-adran (1).

Gwybodaeth Cychwyn

- I7** A. 4 ddim mewn grym ar y Cydsyniad Brenhinol, gweler **a. 84(2)**
I8 A. 4 mewn grym ar 29.9.2021 gan **O.S. 2021/1069, ergl. 2**

5 Pŵer i ddiwygio adrannau 3 a 4

Caiff rheoliadau ddiwygio adrannau 3 a 4.

Gwybodaeth Cychwyn

- I9** A. 5 ddim mewn grym ar y Cydsyniad Brenhinol, gweler **a. 84(2)**
I10 A. 5 mewn grym ar 29.9.2021 gan **O.S. 2021/1069, ergl. 2**

6 Cod yr Hyn sy'n Bwysig

- (1) Rhaid i Weinidogion Cymru ddyroddi cod (“Cod yr Hyn sy'n Bwysig”) sy'n nodi cysyniadau allweddol ar gyfer pob maes dysgu a phrofiad.
- (2) Nid yw cwricwlwm yn cwmpasu maes dysgu a phrofiad oni bai ei fod yn cwmpasu'r cysyniadau hynny fel y'u nodir yng Nghod yr Hyn sy'n Bwysig.
- (3) Nid yw addysgu a dysgu yn cwmpasu maes dysgu a phrofiad oni bai ei fod yn cwmpasu'r cysyniadau hynny fel y'u nodir yng Nghod yr Hyn sy'n Bwysig.
- (4) O ran Gweinidogion Cymru—
(a) rhaid iddynt gadw Cod yr Hyn sy'n Bwysig o dan adolygiad, a
(b) cânt ei ddiwygio.
- (5) Am ddarpariaeth bellach ynghylch Cod yr Hyn sy'n Bwysig, gweler adran 76.

Gwybodaeth Cychwyn

- I11** A. 6 ddim mewn grym ar y Cydsyniad Brenhinol, gweler **a. 84(2)**

Statws Golwg cyfnod mewn amser fel yr oedd ar 23/11/2021.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Cwricwlwm ac Asesu (Cymru) 2021, RHAN 1. (See end of Document for details)

I12 [A. 6](#) mewn grym ar 29.9.2021 at ddibenion penodedig gan [O.S. 2021/1069](#), [ergl. 3](#)

7 Y Cod Cynnydd

- (1) Rhaid i Weinidogion Cymru ddyroddi cod (y “Cod Cynnydd”) sy’n nodi’r ffordd y mae cwricwlwm i wneud darpariaeth ar gyfer cynnydd gan ddisyblion a phlant.
- (2) Nid yw cwricwlwm yn gwneud darpariaeth ar gyfer cynnydd priodol oni bai ei fod yn cyd-fynd â’r Cod Cynnydd.
- (3) Nid yw addysgu a dysgu yn gwneud darpariaeth ar gyfer cynnydd priodol oni bai ei fod yn cyd-fynd â’r Cod Cynnydd.
- (4) O ran Gweinidogion Cymru—
 - (a) rhaid iddynt gadw’r Cod Cynnydd o dan adolygiad, a
 - (b) cânt ei ddiwygio.
- (5) Am ddarpariaeth bellach ynghylch y Cod Cynnydd, gweler adran 76.

Gwybodaeth Cychwyn

I13 [A. 7](#) ddim mewn grym ar y Cydsyniad Brenhinol, gweler [a. 84\(2\)](#)

I14 [A. 7](#) mewn grym ar 29.9.2021 at ddibenion penodedig gan [O.S. 2021/1069](#), [ergl. 3](#)

8 Y Cod ACRh

- (1) Rhaid i Weinidogion Cymru ddyroddi cod (y “Cod ACRh”) sy’n nodi themâu a materion sydd i’w cwmpasu gan elfen fandadol Addysg Cydberthynas a Rhywioldeb.
- (2) Nid yw cwricwlwm yn cwmpasu elfen fandadol Addysg Cydberthynas a Rhywioldeb oni bai ei fod yn cyd-fynd â’r ddarpariaeth yn y Cod ACRh.
- (3) Nid yw addysgu a dysgu yn cwmpasu elfen fandadol Addysg Cydberthynas a Rhywioldeb oni bai ei fod yn cyd-fynd â’r ddarpariaeth yn y Cod ACRh.
- (4) Am ddarpariaeth bellach ynghylch y Cod ACRh, gweler adran 77.

Gwybodaeth Cychwyn

I15 [A. 8](#) ddim mewn grym ar y Cydsyniad Brenhinol, gweler [a. 84\(2\)](#)

I16 [A. 8](#) mewn grym ar 23.11.2021 at ddibenion penodedig gan [O.S. 2021/1069](#), [ergl. 4](#)

Statws

Golwg cyfnod mewn amser fel yr oedd ar 23/11/2021.

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Cwricwlwm ac Asesu (Cymru) 2021, RHAN 1.